

06 MAI
RUGĂCIUNEA 1
SF. CUVIOASE
SOFIA SAOULIDIS DE LA KLISURA

Молитва

О богоизбранная и всеблаженная мати наша Софии, Понтийския страны всечудное прозябение, Эллады древния преславное украшение, обители Клисурския похвало (монастыря Ильинскаго всечудное сокровище) и всем православным христианом благословенная помощнице и защитнице! Во дни земнаго жития твоего всякия напасти и беды безропотно претерпела еси и за Господом последовала еси всеусердно. Темже и сподобилася еси наследовати жизнь вечную и ныне, пред Престолом Божиим предстояще, благодать обрела еси о чадах твоих молитвы и ходатайства приносити. Сего ради ти припадаем и тепле просим: не остави нас лишенных быти покрова и заступления твоего, настави нас во днех земнаго нашего жития, в скорбех предстани и утешение подаждь, в немощей терпение и ослабу низпосли, во обстояниих настави на путь правый, злокозненныя ухищрения коварнаго човекоубийцы далече отжени, на путь

доброделания настави, в вере православней даже до конца пребыти сотвори и путь ко спасению укажи, да сподобимся и мы Царствие Небесное наследовати и купно с тобою и со всеми святыми воспевати, благословити и славословити всесвятое Имя Отца и Сына и Святаго Духа ныне и присно и во веки веков. **А**минь.